



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2013. GODINU STRANKE ZA EVROPSKO SARAJEVO

Broj: 03-07-6-451/14  
Sarajevo, 23.04.2015. godine

## SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	4
Predmet pregleda.....	4
Cilj pregleda i kontrole.....	4
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1. NALAZI.....	5
5.2. PREPORUKE.....	5

## **MIŠLJENJE REVIZORA**

Služba za reviziju finansiranja političkih stranaka izvršila je pregled godišnjeg finansijskog izvještaja Stranke za Evropsko Sarajevo za 2013. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

**Pregledom godišnjeg finansijskog izvještaja za 2013. godinu, utvrđeno je da je Stranka za Evropsko Sarajevo prekršila odredbe člana 12. stav (3) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Stranke za Evropsko Sarajevo za 2013. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Stranka za Evropsko Sarajevo nije ostvarila prihode, što se vidi iz sljedeće tabele:

Red. br.	Vrsta prihoda	Iznos u KM	Učešće u uk. prih. %
1	Članarina	0,00	0,00%
2	Prilozi fizičkih lica (3-a)	0,00	0,00%
3	Prilozi pravnih lica (3-b)	0,00	0,00%
4	Prihodi od imovine (3-c)	0,00	0,00%
5	Prihodi od pr.lica (3-d)	0,00	0,00%
6	Prihodi od poklona (3-e)	0,00	0,00%
7	Prihodi iz budžeta (3-f)	0,00	0,00%
8	Prihodi od propagande (3-g)	0,00	0,00%
9	Ostali prihodi	0,00	0,00%
<b>I</b>	<b>Ukupni prihodi</b>	<b>0,00</b>	<b>0,00%</b>
<b>II</b>	<b>Kreditno zaduženje kod banaka</b>	<b>0,00</b>	<b>0,00%</b>
	<b>Izvori finansiranja (I+II)</b>	<b>0,00</b>	<b>0,00%</b>

U godišnjem finansijskom izvještaju stranka je iskazala ukupne rashode u iznosu od 1.889,49 KM.<sup>1</sup>

## 2. PREDSTAVLJANJE POLITIČKE STRANKE

Naziv političke stranke: Stranka za Evropsko Sarajevo. Skraćeni naziv stranke je SES.

Stranka za Evropsko Sarajevo je upisana u registar političkih organizacija kod Općinskog suda u Sarajevu, rješenjem broj: 065-0-F1-12-000010 od 12.04.2012. godine, sa sjedištem je u Sarajevu, ulica Azize Šaćirbegović br.122.

Ovlašteno lice za zastupanje stranke je Omerbašić Esad, predsjednik.

Ovlašteno lice za podnošenje finansijskih izvještaja u 2013. godini je Omerbašić Esad.

Prema podacima iz godišnjeg finansijskog izvještaja za 2013. godinu, Stranka za Evropsko Sarajevo nema niže nivoe organizovanja.

## 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Stranke za Evropsko Sarajevo za 2013. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja

<sup>1</sup> Uvidom u poslovne knjige i završni račun-Bilans uspjeha za 2013. godine, utvrđeno je da su ukupni rashodi stranke evidentirani u iznosu od 1.937,00 KM.

navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskog izvještaja Stranke za Evropsko Sarajevo obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

#### **4. PRETHODNE KONTROLE I REVIZIJE**

Nakon izvršenog pregleda za 2012. godinu, Služba za reviziju je izdala Izvještaj o pregledu godišnjeg finansijskog izvještaja sa mišljenjem revizora i preporukom stranci da finansijske izvještaje dostavlja u rokovima propisanim Zakonom o finansiranju političkih stranaka.

#### **5. NALAZI I PREPORUKE**

##### **5.1. NALAZI**

**Na osnovu obavljenog pregleda, utvrđeno je da je Stranka za Evropsko Sarajevo prekršila odredbe člana 12. stav (3) Zakona o finansiranju političkih stranaka.**

Uvidom u službene evidencije, utvrđeno je da je Stranka za Evropsko Sarajevo godišnji finansijski izvještaj za 2013. godinu dostavila dana 29.04.2014. godine, tj. nakon zakonom propisanog roka, čime su prekršene odredbe člana 12. stav (3) Zakona o finansiranju političkih stranaka.

##### **5.2. PREPORUKE**

***Preporučuje se Stranci za Evropsko Sarajevo da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:***

- ***da finansijske izvještaje dostavlja u rokovima propisanim Zakonom o finansiranju političkih stranaka.***

#### **KOMENTAR**

U ostavljenom roku, Stranka za Evropsko Sarajevo dostavila je ispravljen obrazac 5. godišnjeg finansijskog izvještaja i na taj način otklonila nedostatke utvrđene u Preliminarnom izvještaju o pregledu godišnjeg finansijskog izvještaja za 2013. godinu. Služba za reviziju uvažila je izvršene ispravke i u tom dijelu je izmijenila nalaze.

Šef Odsjeka za revizijske poslove

Sanja Tošović

Šef Službe za reviziju

mr.sc Hasida Gušić

Revizor

Nevenko Andan